

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.

مجله اولنور

مسلکمزہ موافق آثار قبول اولنور.
درج ایدلین اوراق اعاده اولماز.

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.

استانبول ایچون سنه لکی مطبعه دن
آلنق شرطیله ۴۰، طشره لره پوسته
اجرتیله برابر ۶۰ غروشدن.

ينه صافيتي هویدادر
ظن ایدرسك سماند اینه ملك!
بر چیچكدن لطیفدر اولقا!
بر چیچكدن لطیفدر، نه دیمك؟!
خنده سی روحه اعتلا آور!
فكره بخش اینهده فر وزیر!
سحر ك ایشامنه بکزر!
یوق نظیری دینلسه احراردا
§

صاچلری دوش ناز پرورینه،
ایدیور موجه موجه نور ایثار.
سینه سی کل کی طراوتدار!
سورم بن بو عشوه لی یاری،
آغلارم هرباقشده کوزلرینه.
عرض ایدر حسن عشقی دیداری.
روح شادی لبند مضمردر!
قلبی وجهنده خنده کستردر!
تاب سودا ایله شمردر،
برنکاهی بتون قلبی یاقار!...
وهی زاده:
م. رشیدی

— — — — —

غزل

کندی لطفکزه کرچه سزا کور میورم
دردمه آه، فقط باشقه دوا کور میورم
سنی سودم سو ملی دلده بوسوزش واردر
دیم اما ینه: سو مکده صفا کور میورم
سر پریم کوز پاشمی هر کیجه محزون، محزون
کیسه ده بویله جگر سوز بلا کور میورم
حسنکز قلبی تنور ایدیورکن بالله
کونشی پک او قدر نور فزا کور میورم
او سیاه کوزلرکز روخی جذب ایتشدرد
او کوزل لاله دنیاده بها کور میورم
وهی زاده:
م. رشیدی

— — — — —

اسرار خلقت

(اوتوز بر واوتوز ایکنجی نسخه لردن مابعد)

هیأت شناس بر عزم متین و جزم کامل ایله
بویله ردی بحال بر صورتده افاده مافی البال
ایده رک قیاسات مبسوطه سنك جدیت
وجدیدی بر چیچک ضربه سی کی خفمه ده ذهنی
لرزان ایلدی. موجودات و مشهودات
ظاهریه نك هیچ بر معنایی، هیچ بر قیقی حاز
اولمادیغنه دائر در میان ایدیلن فکر لر بکا هم
قبول و ترویجی ناقابل، هم ده عقلا و منطقاً
فاسد و باطل کورندی. عادتاً حد تلندم.
لکن او ادعایله قارشی سرد ایده جك هیچ
بر برهان فنی، هیچ بر دلیل عقلی بوله میورد.
دیدم که:

— بوسو یلدیکنز شیرله عدمه وجود
ویرمش اولیورسکر. بوقابل اولور می؟
قوجه هیأت شناس بکا شو یوله
جواب ویردی:

— سن موجوداته دیده جسم ایله
دکل، باصره عقل و بصیرتله نظر ایت.
اگر بزرلر اشعه مضیئه یی ادراکده غیر مقتدر،
فقط تأثیرات سائر نك ارتسامنه مساعد
کوزلره مالک بوله ایدک کائنات حقنده شیمی
اذهانمزده مرکوز و جایگیر اولان فکره کلیاً
مغایر بر فکر حاصل ایدردک.

الیوم مشهود من اولان کائنات غیر
مادیدر. ماده دینیلن شی بر سوزدن عبارتدر.
— یا بز کنیمیز...؟

— بزم هر بریمز بر هیکل معنوی
و بر جوهر لاهوتی یز.

یلیم نیچون بوسوزلری ایشیدیر ایشتر
سو کیلک تمثال پری مثالی لوحه خیالده
مرسم اولدی. آهوانه چشمانی بکا طوغرو
نظر انداز و کلنجیه دهانی بر لطافت بی بهانه
معصومانه ایله تبسم پرداز ناز اولیوردی.

کندی کندی: «حقیقه شو وجود بر
جوهر لاهوتیدر!» دیور ایدم.

ذهنده بوکی خیالات جولان ایتکده
ایکن خفیف بر تبسم دوداقلرمی تهزین ایتمش
اوله لی که هیأت شناس:

— ینه سن بو عالمده متلند و متالم
اولان، تأثیرات لطیفه و شدیدیه یی حس ایدن
بو وجود کدر ظن ایدیورسک، اوله می؟
دیدم.

— فقط بکا کیورکه...

— اوت، شوشفتالیلری پدیك زمان
دماغك لذت باب اولور؛ آیاغک باصلدیغی
زمان آیاغک آجیور؛ کوزل بر نغمه ایشتدیك
زمان قولاغك متلند اولور، ظن ایدیورسک.
حال بوکه اوله دکلدرد. آباق وال کی وجود منک
هرهانیکی بر عضویه عارض اولان تأثراقی ذهنه،
غده صنو بر یه نقل خصوصنده وساطت ایدن
عصب قطع ایدیه جك اولور ایسه هیچ برشی
طویعایز. نه شفتالیلر دماغزه لذت ویرر،
نه مشامز چیچکلرک رایحه روح پرورندن
ذوقیاب اولور؛ آلات موسیقیه نك ترنماقی
نه قدر خوش آهنگ و موزون اولور سه اولسون
آرتق او زمان تشنیف آذان ایتمز! کوزلر
اشعه تابناک شمعی ادراکدن، اللر خاصه
لامسه دن کاملاً محروم بولنور. او وقت آیاغی
آتشه صوقسه ک بیله هیچ برالم، هیچ بر وجع
حس ایتمزسک.

هم نه حاجت، اگر موقتاً حس
مدرکه ک ابطال ایدیه جك اولسه در حال
هر کوردیکک، هر طوقوندیغک، هریدیکک
شی سکا باشقه یوله تأثیر بخش اولما می؟
بلکه صاری صبری چیلک دیه اکل ایدرسک.
دیمک اولیورکه مرکز حس بدن دکل،
ذهندر. کوردیکک رؤیالری تخطر ایت:
رؤیاده سویلرسک، دیکلرسک، کوررسک،
طوقونورسک. حال بوکه اورته ده هیچ برشی
موجود دکلدرد.